

UNO LÈI PÈR LI LENGÒ REGIOUNALO...

La batèsto es pas acabado... S'es pas rèn fach au governamen, senoun de reüni de bèu mounde... Aro fau crida nosto revóuto...

Pajo 3



Prouvènço aro

Tóuti li mes, lou journau de la Prouvènço d'aro

Setèmbre 2009

n° 247

2,10 €

Mirèio

Dóu 2 au 27 de setèmbre - Touloun (83) - 69 cours Lafayette e Porto d'Itàli à 5 ouro 30: Festenau "Leis endümi prouvençalo", quatre semana d'animacioun. Li dimècre: conferènci-debat, li dissate: animacioun tiatralo, li dimenche, animacioun de carriero. Escolo de la Targo, 04.94.08.00.98-guy.revest@orange.fr.

Enjusqu'au 28 de novèmbre. Palais dóu Roure - Espousicioun Mireille par l'image, emé li couleicioun dóu Museon: aficho, cinema, musico, retra, beloio...

À vèire dóu dimars au dissate, de 10 ouro à miejour e de 2 ouro à 5 ouro 30, franc di jour ferié. L'intrado de l'espousicioun tempourari es à gratis. Poudès tambèn vesita lis apartamen e li couleicioun lou dimars à 3 ouro o sus rendèvous. Palais dóu Roure - 3, carriero Collège du Roure - Avignoun. 04.90.80.80.88.

Divèndre 18 de setèmbre

- Rousset (13), dins la Capello dóu Calvèri à 6 ouro 30, Frederi Mistral e Mirèio, à Paris, counferènci de Tricio Dupuy. Ass. Index 04.42.53.22.75 - index.chapcalvaire@free.fr.

- Gravesoun (13) dins la Coumuno, salo dóu Counsèu, à 8 ouro 30, de vespre, L'univers de Mireille, un âge d'or à l'épreuve de l'histoire, counferènci de Pierre Carrère, (IUFM de Nice). CREDD'O, 04.32.61.94.06 -

Dissate 19 de setèmbre

- Mandiuel (30), dins la Salo dis Arenò, Evocation des rapports entre Mistral et le Gard, l'opéra Mirèio à Nîmes, à Paris, aux Saintes Maries d'après li journau de l'epoco e la literaturo, en prouvençau e en francés. Li Gènt dóu Bufaloun, 04.66.20.26.84 - michel.fournier2@wanadoo.fr.

- Manosco (04), Mirèio en fèsto à Manosco:
* 4 ouro: presentacioun dóu livre Entre image et réalité, une histoire illustrée de Manosque, de Louis-Denis Valverane (format 25x32, 80 p., 25 eurò, Ed. lou Rode Osco! Manosco!).
* 5 ouro: L'œuvre de L. Denis Valverane, counferènci de Martin Motte, pichot nebout dóu pintre. Rode Osco Manosco, 04.92.87.46.77 - janino.mollet@wanadoo.fr

Divèndre 2 d'òutobre - Lou Luc en Prouvènço (83), au Cinéma à 6 ouro 30: Mirèio, Chato dóu Mounde, counferènci de Pèire Fabre. Coumuno 04.94.50.01.00.

Dissate 3 d'òutobre

- Vilonovo (04) - Mirèio en fèsto à Vilo Novo de la roco
* 11 ouro, inauguracioun de la plaço Frederi Mistral.
* 12 ouro: taulejado mireienço di Felibre.
* 5 ouro: dins la glèiso, Mirèio sèmpe, concert emé Lei Gabian.
* 9 ouro de vespre: salo di Fèsto, La seconde vie de Mirèio, creacioun de Pèire Pessemesse, pèr la Coumpanié de tiatre dóu Ciéucle dóu país d'Ate. Coumitat di felibre de nauto Prouvènço, 04.92.78.48.98 -

Fin de vacanço



Roubert Lafont

Bèl oumage à l'escrivan desporeigu

Pajo 6

Coulòqui Mirèio

Un grand programo pèr Mirèio au CREDD'O

Pajo 7

Nouvèu diciounàri

Camille Moirenc (1827-1892) n'es l'autour.

Pajo 9

L'anaren tóuti !

La questioun de la lengo d'O, acò interèssò pas soucamen quàuqui letru e saberu.

Èi quaucarèn que parlo à de femo e à d'ome de tout lou Miejour, de Bourdèu à la Prouvènço, de Limoge e Clarmont d'Auvergno fin qu'i Pirenèu. Perqué li lengo regiounalo, e la nostros n'en fai partido, soun aro citado dins la Coustitucioun. Cita es uno bono causo. Baia à nostros lengo li mejan de se desvouloupa, sara encaro miés. Pèr bèn dire es uno necessita.

Acò vòu dire uno vertadiero plaço à l'escolo, de la meirenalo à l'universita e uno vertadiero plaço baia-do i cous pèr lis adulte. Acò vòu dire uno plaço vertadiero dins li Media : radiò, prèssò, televesioun.

Acò vòu dire uno vertadiero recouneissènço publico.

Es acò, e pas mai, que demandan.

10 000 à Carcassouno en 2005. — 20 000 à Beziés en 2007.

Lou dissate 24 d'òutobre, à Carcassouno, avèn lou devè d'èstre encaro mai noumbrous.